

# Daim Qhia Niam Txiv Txog Safe Harbor

## COV HLUAS UAS RAUG DEEV YAM TSIS RAW S CAI

Ib tug hluas uas raug deev yam tsis raws cai (sexually exploited youth) yog ib tus uas muaj 24 xyoos rov hauv uas txaus siab, lossis raug quab yuam ua tej yam sib deev sib kov kom tau ib yam uas muaj nuj nqis, xws li nyiaj txiag, zaub mov noj, khaub ncaws hnav, nyiaj them nqi tsev, lossis chaw nyob. Ib tug hluas uas raug siv yam tsis raws cai kuj muaj xws li seev cev txawv txawv, mus thaj ua yeeb yam sib deev, sib deev kom tau yeeb tshuaj, lossis muaj feem muag cev yam uas txhaum cai. Kuj muaj tus sab nraud koom lossis kuj tsis muaj thiab.

Kev raug siv los mus deev yam tsis raug cai yuav ua rau lub cev puas, puas lub hlwb thiab txoj kev xav kiag tam sid lossis yuav ua mob mus ntev. Yav tas los, Minnesota muaj cai los ntes cov hluas uas raug quab yuam yam tsis raug cai yam li lawv yog neeg txhaum cai - cov hluas muag cev.

## TXOJ CAI SAFE HARBOR THIAB NO WRONG DOOR RESPONSE MODEL

Hauv qab txoj cai Minnesota Safe Harbor, yuav tsis muab cov hluas hauv Minnesota uas muag cev saib li yog neeg txhaum cai. Tiamsis yuav muab lawv saib li yog neeg raug tsim txom thiab cov neeg uas raug kev quab yuam los. Txoj cai Safe Harbor yuav saib taus thiab muab koob meej rau cov hluas no, thiab pab taw kom lawv txawj mus nrhiav kev pab cuam txhawb lawv, xws li chaw nyob thiab vaj tse nyob.

Yuav kom raus tes ua tau Txoj Cai Safe Harbor, Minnesota yuav mus raws No Wrong Door Response Model (NWD). Lub hom phiaj ntawm No Wrong Door yog txawm tus hluas no nyob tom tsev kawm ntawv, pawg sib pab muab tswv yim, tsev kuaj mob, koom haum tiv thaiv menyuam, tub ceev xwm, lossis lwm lub koom haum, txhua tus muaj peevxwm los mus ntsuas seb puas yog nws raug tsim txom thiab yuav tsum paub taw tus hluas no mus rau tej kev pab cuam.

## TEJ MENYUAM MUS RAUG QUAB YUAM LI CAS?

Cov neeg ua lag luam tsis raws cai/cov yuav thiab tib neeg uas nrhiav nthw kev los quab yuam cov hluas yam uas tsis raug cai (xws li tsev neeg, cov neeg luas uas yus ntseeg siab, phoojywg/tus hluas nraug/tus hluas nkauj, lossis pab laib) yuav soj ib tug hluas twg uas yooj yim ntxias. Lawv yuav haub ntxias thiab feem ntau yuav siv lub zog ntaus. Tus quab yuam yeej ib txwm txawj haub ntxias thiab ua kom tus uas raug quab yuam ntawd tsis txhob txawj hloov siab.

Feem ntau tus quab yuam ntawd yuav pib ua zoo li nws yeej hlub kom tus hluas ntseeg nws siab. Qhov no pib kiag ntawm nrog tus hluas tham kiag, lossis lawv kuj txawj kom lwm tus hluas los dag nws koom tes nrog lawv. Lawv kuj yuav nrhiav cov hluas hauv online kom koom tes nrog lawv. Feem ntau lawv kuj yuav mus hauv ls taws nej mus nrhiav cov hluas uas tsis muaj neeg hlub, tsis muaj neeg yuav, lossis cov hluas uas xav tau kev lom zem.

Cov hluas uas raug coj mus muag yuav cev lossis raug deev tsis yog "menyuam phem." Lawv raug tsim txom yam tsis raws cai. Txawm tias lawv ntseeg tias lawv yeej yog tus txiav txim rau tus kheej thiab tsis yog neeg raug quab yuam, los lawv yeej yog, muaj neeg tsom lawv, haub ntxias lawv, thiab ua lawv raug mob.

## PAB TEJ MENYUAM NYOB XYUAM XIM

### 6 Yam los Pab Tiv Thav Koj Cov Menyuum thiab Cov Hluas

- 1. Sib Txuas Lus** Qhia kom koj cov menyuum paub tias yog lawv xav nrog koj tham txog dabtsi los yeej tau, koj yuav tsis thuam lawv, tab txawm lawv xav tias yuav ua rau koj chim siab. Mloog koj tus menyuum hais kom zoo heev. Feem ntau, cov quab yuam lawv yuav ua kom lawv tu siab rau lawv tus kheej lossis kom lawv lub siab rov nkaug lawv, ua li no kom lawv thiaj li tsis piav tawm rau leejtwg. Nquag nrog koj tus menyuum tham txog seb lawv kawm tau dabtsi txhua hnuv, nug txog lawv cov phoojywg, seb lawv npaj siab dabtsi tom ntej, thiab lawv txhawj txog dabtsi. Yog tias dabtsi tsis hwj koj siab, nug kom thiaj li paub. Cov hluas uas tsis tshua muaj neeg nrog lawv tham lossis tsis muaj kev zoo siab, yuav qaug yooj yim rau cov neeg quab yuam lawv.
- 2. Qhia koj cov menyuum txog tej kev phooj kev ywg uas zoo rau lawv.** Qhia kom koj tus menyuum paub txog kev sib raug zoo thiab kev phoojywg uas tsis zoo, xws li tsis txhob sib zes heev dhau li tsim nyog. Ua qauv zoo tom tsev txog tej kev phoojywg sib raug zoo li cas, tshwj xeeb yog cov neeg laus. Ib tug hluas hais tias nws yuav tsis koom tes nrog ib tus quab yuam nws, yog tias nws paub txoj kev sib raug zoo, zoo li cas tiag. Siv sijhawm nrog koj cov menyuum, qhia kom lawv paub tias txoj kev sib raug zoo uas koj muaj nrog lawv tseem ceeb heev rau koj.
- 3. Paub zoo txog tej kev phoojywg uas lawv muaj hauv ls taws nej.** Paub txog kev xyuum xim hauv ls taws nej thiab kev ntaus phoojywg hauv. Paub zoo txog tej koj tus menyuum ua hauv online. Cov quab yuam neeg yuav siv lub ls taws nej los dag ntxias. Nrog koj tus menyuum tham txog tej vej xaij uas lawv siv, thiab qhov tsis txhob qhia tej ntaub ntawv txog lawv tus kheej mus rau lwm tus, thiab tshwj xeeb yog tsis txhob mus ntsib ib tug neeg tim ntsej tim muag twg uas tsis tau paub dua tsuas ntsib online xwb, xws li lub vej xaij tua nkees. Qhia txog tej kev phom sij uas tso duab pom ib ce li xav sib deev hauv online, thiab sexting (xa thiab txais tej lus lossis duab txog kev ua nkauj ua nraug), thiab cov duab/tej lus no yuav tsuas tau lub koob lub npe.
- 4. Paub koj cov menyuum tej phoojywg.** Ceev faj txog tej phoojywg uas laus dua, lossis cov uas pheej nyiam koj koj tus menyuum mus ib leeg rau tom tej. Ntsuas seb cov phoojywg twg thiaj li yog cov uas yuav pab koj tus menyuum mus rau qhov zoo thiab txhawb koj lawv ob leeg sib txhawb. Yog tias koj tus menyuum tsis muaj ib tug phoojywg li, pab nrhiav lwm tus hluas los nrog nws ntaus phoojywg. Coj lawv mus mcig saib tej yam uas lawv nyiam ua, xws li mus saib tsev tso tej duab, saib ncaws pob, hu nkauj, mus pab zej zog, thiab koom tej pab pawg hluas.
- 5. Qhia kom paub txog kev sib deev.** Tham txog kev sib deev uas zoo, seb nws nyiam deev pojniam los txivneej, thiab kev sib deev uas tiv thav zoo. Ntsig txog kev sib deev uas zoo rau ib txoj kev sib raug zoo nrog lwm tus. Qhia kom nws paub txog kev yeem ua, yog dabtsi thiab tsis yog dabtsi. Qhia rau koj tus menyuum paub tias lawv muaj cai tsis yeem sib deev nrog lwm tus lossis ua tej yam qias li yog deev, tab txawm tus ntawd yuam nws kom ua. Tsis txhob cia tus hluas kawm txog kev sib deev ntawm tej vej xaij sib ntaus phoojywg thiab duab liab qab. Cov hluas uas twb raug kev quab yuam los lawm, qhia peb paub tias thaum lawv me, lawv cheem tsum cov neeg laus qhia kom lawv paub tseeb txog kev sib deev thiab seb qhov nyiam deev pojniam thiab txivneej yog li cas.
- 6. Qhia koj cov menyuum txog kev raug deev yam tsis raws cai thiab qhov raug muag coj mus deev.** Qhia koj tus kheej thiab tsis txhob xav tias yuav tsis muaj hnuv koj tus menyuum yuav raug tej xwm no. Qhia kom lawv paub txog qhov raug deev yam tsis raws cai thiab qhov raug muag coj mus deev yog dabtsi, thiab cov uas yuav neeg coj mus muag, cov deev, thiab "pimps" yog txivneej thiab pojniam tibi. Qhia tias lawv yeej zoo ib yam li "koj thiab kuv" thiab lawv yeej nrhiav nthw kev los ntxias cov hluas coj mus tsim txom yam tsis raws cai. Qhia lawv seb tej xwm no yuav tshwm sim li cas thiab yuav ua li cas yog tias muaj ib tug twg los cuag lawv hauv online lossis tim ntsej tim muag kom ua li ntawd. Kom lawv qhia koj paub tam sid yog tias muaj ib tug twg tau ua mob lawv lossis ho tau sim ua kom mob lawv.

### TEJ CIM CEEB TOOM/ CIM TIAS RAUG COJ MUS MUAG LOSSIS QUAB YUAM YAM TSI RAW S CAI

*Tsis yog tias ib qho cim yuav yog quab yuam lossis raug coj mus muag. Yog tias pom muaj ntau tshaj ib qho cim raws li sab hauv, ces kuj tsim nyog txhawj. Cheem thaum ntxov thiaj li pab kom tsis txhob raug quam yuam thiab kom mus deb.*

- Tus cwj pwm, kuj siab, lossis yeeb yam hloov kiag tam sid yam tsis paub yog vim li cas
- Muaj pov thawj tias ib tug twg xav tswj lossis caij tsuj koj tus menyuum
- Tus qub hluas nraug/qub hluas nkauj cia li rov pom tshwm
- Pom ntaus cim, qee zaus yog ua thev thuj (tattoos)
- Zais siab tsis kam qhia seb lawv nrog leejtwg tham lossis yuav mus ntsib leejtwg
- Cia li pib twm zeej zuj zus tuaj, tsis tshua nrog lawv cov phoojywg ib txwm, thiab tsis nrog cov neeg lawv hlub
- Cia li pom muaj nyiaj tuaj, muaj tej khoom tshiab, xws li xov tooj ntawm tes, ua plaub hau tshiab, ua rau tes rau taw yam koj twb tsis tau yog tus them rau
- Tsis mus kawm ntawv, los tsev lig, lossis mus ib tag hmo tsis los tsev yam nws yeej tsis piav tias mus qhovtwg li
- Khiav mus

### YOG TIAS KOJ TXHAWJ TSAM MUAJ KEV SIB DEEV YAM TSI RAW S CAI, TIV TAUJ:

- Tub ceev xwm hauv koj zej zog thiab qhia rau lawv tias koj txhawj tias muaj neeg ua lag luam muag cev sib deev
- Koj lub Safe Harbor Regional Navigator – [www.health.mn.gov/communities/safeharbor/response/navigation.html](http://www.health.mn.gov/communities/safeharbor/response/navigation.html)
- Tus xov tooj muaj kev pab cuam Day One Hotline rau Safe Harbor nyob koj thaj tsam: 1-866-223-1111

*Tej kev pab cuam: Cov Niam Txiv Tiv Thav, <https://www.parentsprotect.co.uk/what-is-child-sexual-exploitation.htm>;*

*Cov Suab ntawm Safe Harbor: Cov dim kev quab yuam los & tej lus cov hluas qhia tawm rau Minnesota's Model Protocol txog cov hluas uas raug deev yam tsis raws cai thiab raug muag coj mus deev, [www.hennepin.us/~media/hennepinus/your-gov-ernment/projects-initiatives/documents/no-wrong%20door-voices.pdf?la=en](http://www.hennepin.us/~media/hennepinus/your-gov-ernment/projects-initiatives/documents/no-wrong%20door-voices.pdf?la=en);*

*Kev muag tibneeg coj mus deev nyog hauv peb qab vag tsib taug, <http://inourbackyard.org/keep-kids-safe-ht/LOVE146>, [www.love146.org](http://www.love146.org); Parents Protect, <https://www.parentsprotect.co.uk/what-is-child-sexual-exploitation.htm>*